

類

焦

類雋卷第二十

勾吳左舟鄭若庸纂輯

山東按察司副使古虞百拱鍾

穀
校閱

戶部陝西司主事西蜀少川王用楨

戶部福建司主事古粵礪山鍾昌

工部營繕司員外四明夢韓張大器

同閱

臨清州知州古完呂珩 校正

太學生汪琪校梓

器用類

舟

剡木

易云剡木爲舟

合木

輿服雜事云其輕行

則乘海舸合木船也又云合木爲槽

周流

說文

云舟言周流也

循水

釋名云船循水而行也

窾

木

淮南子云古人窾木浮而爲舟

落葉

世本云

古者窾落葉因以爲舟

作舟

呂氏春秋云虞姁

作舟世本云黃帝作舟

舟名

楊雄云自閔而西

謂舟爲舩自閔而東或謂之舟其上屋曰廬重

室曰飛廬又在其上曰雀室總名舩曰艘釋名

云上下重版曰艦外狹而長曰艨衝二百斛曰

舳三百斛曰舳。𦨇杭詩云誰謂河廣一𦨇杭之。
桂楫詩云桂楫楫舟。羽楫國語云羽楫萬計言
舟楫之疾也。容刀詩云誰謂河廣曾不容刀小
舟也。桂棹楚辭云桂棹兮蘭枻。斲冰兮積雪。濟
川書云若濟巨川用汝作舟楫。利涉易云利涉
大川乘木舟虛也。歸梁詩云造舟爲梁。緇離詩
云汎汎揚舟。緇離維之。藏怒莊子云藏舟於壑
藏山於潭謂之固矣然而夜半有力老負之而
走昧者不知也。罔水書云罔水行舟言舟朱無

道習於無水行舟**五覆**月令云季春命有司覆

舟五覆五反乃告舟備天子乃乘舟**沙棠**山海

經云崑崙有沙棠木食其實不溺為木不沉曰

安得沙棠木刻之為舟船**逐龍**橫洞冥記云露

池西有昆雲池方四百步中有逐龍船**戰覆**唐

書太宗紀云水能載舟亦能覆舟**翔鳳**陶季直

京邦記云西巡記曰宋孝武度六合龍舟翔鳳

以三千四十五艘舟航之盛三代二京無比**鴻**

毛洞冥記云影娥池中有鴻毛舟**青翰**說苑云

莊辛謂襄城君曰鄂君方汎於澌波乘清翰之
舟**青雀**王隱晉書云陶侃擊蜀賊王真真鉤得
侃青雀舟**鸚鵡**蜀王本記云蜀王有鸚鵡舟**舳**
艫隋書云大業元年八月煬帝御龍舟幸江都
以左武衛大將軍郭衍為前軍右武衛大將軍
李景為後軍文武官五品以上給樓船九品以
上給黃篾舳艫相接二百餘里**三翼**張衡云浮
三翼舟也越舟有大翼中翼小翼**靈鵠**拾遺記
云帝乘衝瀾靈鵠之舟以香金為鈎霜絲為綸

舟鯉為餌鉤于臺下得白鮫焉**黃篋**隋書云煬

帝幸江都五品以上給樓舡九品以上給黃篋

舡名**舡海**集韻云鷁首天子舡也船舫也舡海

大舡也**坐削**山海經云有大人之國坐而削舟

飛廬釋名云舟言周也船上屋曰廬象舍也其

上重室曰飛廬在上故曰飛也又在其上曰翟

室於中候望若鳥雀人驚視也**水浮**淮南子云

烏號之弓不能無弦而射越船蜀艇不能無水

而浮**燙同**鄧析書云同舟涉海中流遇風救患

若一所憂同也。**無用**抱朴子云瓊艘理楫無涉
川之用金弧玉弦無繳矢之能。**乘國**揚子云舍
舟航而濟瀆舍五經而濟道末矣。乘國者如乘
航航安則民斯安。**苑舟**晉宮閣記云苑內池中
舟有紫宮升進曜陽飛龍射獵鳴鶴指南雲母
無極常安等名。**八槽**義熙起居注云盧循新作
八槽艦九枚起四層高十餘丈。**餘星**左傳云楚
敗吳獲其舟餘星。**不繫**莊子云巧者勞而智者
憂無能者無所求食而遨遊汎若不繫之舟。**虛**

梁麗 莊子云方舟而濟河有虛舟來觸則雖有褊

心之人終不怒也忽有一人在其上則惡聲隨

之向不怒而今怒向扉而今實**沙棠**拾遺記云

漢成帝常與飛燕游太液池沙棠為舟貴不沉沒

梁麗 莊子云梁麗不以衝城注麗小船**采劒**呂

氏春秋云楚人有涉江者其劒自舟中墜水遽

刻其舩曰是吾劒所從墜也舟去從所處入水

求之不亦惑乎**龍舟**穆天子傳云天子乘鳥舟

龍舟浮于大沼注舟以龍鳥為形制猶今吳之

青雀舫

鷁首

淮南子云龍舟鷁首注鷁水鳥也

畫其象著舫首

若神

莊子云顏回問仲尼曰吾

嘗濟乎觴深之泉津人操舟若神吾問曰操可

學乎曰可善游者數習而後能

有勢

韓子云千

鈞得舟則浮錙銖失舟則沉非千鈞輕而錙銖

重有勢之與無勢

浮芥

莊子云水之積也不厚

則其負大舟也無力覆杯水均堂之上則芥為

之舟置杯焉則膠水淺而舟大也

積羽

史云積

羽沉舟

含烟

洞冥記云漢宮含烟舟以木蘭文

杏為櫓

馳馬

崔豹古今注云孫權有小船名馳

馬

太白

蜀王本紀云秦為太白船夏艘款以攻

楚

龍負

史云夏禹南渡江黃龍負舟

浮土

世本

云廩君名相姓已氏與樊氏暉氏栢氏鄭氏凡

五姓爭神以土為船雕文画之船浮者神以為

君獨廩君船浮因立為君

先濟

六韜云武王伐

殷先出於河呂尚為從將以四十七艘船濟於

河

濟焚

左傳云秦伯伐晉濟河焚舟

集蜂

語林

云武王伐紂夜濟河月明如晝有大蜂伏如舟

鳥飛集王舟因以象畫旛旗翌日而梟紂名其
船曰蜂舟鄭人擊趙簡子得其蜂旗則其遺類
指掬左傳云晉楚戰于邲潘黨疾進師車馳卒
奔乘晉軍桓子不知所為鼓於軍中曰先濟者
有賞中軍下軍爭舟舟中之指可掬也**沉膠**帝
王世紀云昭王濟漢船人惡之以膠船進王中
流船解王没**先具**左傳云晉楚將戰趙嬰齊使
其徒先具舟于河故得先濟**五湖**吳越春秋云
范蠡既滅吳乃乘扁舟入五湖**蛟統**呂氏春秋

云荆有飲非者得寶劍涉江至中流有兩蛟夾
繞其舡飲非拔劍赴江刺蛟殺之舟中之人皆
活荆王聞之仕以執圭湯左傳云齊侯與蔡
姬乘舟于圉蕩公公惧变色禁之不可公怒歸
之脫衣漢書云陳平逃歸漢渡河舡人疑有金
陰欲害之平脫衣刺舡遂免害從橋漢書云薛
廣德為御史大夫秋上祭宗廟出東便門欲御
樓舡廣德當乘與免冠頓首諫請從橋且曰陛
下不聽臣臣自刎以血汚車輪上乃從橋習

漢書云卜式願與臨菑習弩博昌習船者死南

越

濟物張璠漢記云梁冀弟池中舡無故自覆

問掾朱穆曰舟所以濟渡萬物而今覆者戒將
軍當濟渡萬民不可念樂遊而已

仙舟

後漢書

云郭林宗遊洛陽始見河南尹李膺膺大奇之
遂相交善於是名震京師後歸鄉里衣冠諸儒
送至河上車數千兩林宗惟與膺同舟而濟衆
賓望之以為神仙

錦維

吳書云甘寧住止常以

繒錦維舟去輒割棄以示奢侈

焚軍

吳志云周

瑜逆曹公部將黃蓋取蒙衝鬪艦千艘實薪灌
膏裹以帷幙上建牙旗同時發火風猛火盛火
及岸焚曹軍營退敗**受箭**魏畧云孫權乘大船
來觀軍公使弓弩亂發箭著其船偏重將覆權
因迴船復以一面受箭箭均船平乃還**絳檐**吳
志云將軍賀齊性奢綺所乘船雕刻丹鏤青蓋
絳檐艨艟閫艦望之若仙**紆象**魏志云鄧哀王
仲子蒼舒五六歲智若成人孫權曾致巨象太
祖欲知其輕重訪之群下咸莫能曉仲曰置象

大船刻其所至稱物載之則較可知太祖大悅
即施行焉**擊楫**晉書云祖逖為奮威將軍渡江
中流擊楫而誓曰逖不能清中原而復濟者有
如大江**誤截**異苑云檀道濟鎮潯陽有施罟收
得大船孔鑿若新使匠作舡舳工人誤截兩頭
以為不祥殺三匠及入朝果伏誅**馳馬**晉書云
武帝謀伐吳詔益州刺史王濬修舟艦濬作大
舡連舫方百二十步受二千餘人以木為城起
樓櫓開四門其上皆得馳馬來往又画鷁首恠

獸於船首以惧江神舟楫之盛自古未有

水龍

晉書云晉將伐吳有童謠云阿童復阿童銜力
浮渡江不畏崖上虎但畏水中龍既而王濬自
益州造大船聯船順流而下遂建平吳之功阿
童濬小字也

錦袍

李白傳云白嘗乘月與崔宗

之自采石至金陵著宮錦袍坐舟中旁若無人

折節

異聞錄云陳季卿家于江南嘗訪僧於青

龍寺壁有褰瀛圖季卿乃尋江南路歎曰安得
自渭泛河達于家適有終南山翁在傍笑曰是

不難因折階前一竹葉作舟置圖上季卿熟視
久之稍覺渭水波浪一葉漸巨席帆旣張恍若
登舟旬餘至家視波李尤云舟楫之利譬猶與
馬革重歷遠以濟天下相風視波窮究川野安
審惧慎終無不可榜人謝靈運云榜人埋行艫
舟人也藻舟顏延年云神御出瑤軫天儀降藻
舟畫舫也千翼又云萬軸飭行衛千翼泛飛浮
注千艘也權女劉孝標云傍人夜裏楫櫂女暗
成裝分沙張正見云黃雲迷鳥路白雪下鳧舟

分沙映遠浦，照鶴聚寒流。檣風吹影落，纜錦雜
花浮。船梁若是桂，翻如月照秋。**鷗采**王筠云：君
侯飾輕利，挫蕩邁飛雲。凌波漾鷗采，汎水渙蛟
文。電流已光絕，鳥逝復超羣。倏忽方千里，戀茲
岐路分。**桂**謝靈運云：剖竹守滄海，枉帆過舊
山。**沔花**張正見云：千里尋陽岸，三翼木蘭舫。鷗
汎青鳬後，鷄鳴白鷺前。沔花沒淺纜，帶葉動深
船。不言朝夕水，獨自恨神仙。**花秋**又云：高門事
休沐，朝野恣逢迎。還乘金谷水，俱望洛陽城。舟

移津女渡楫動渭橋橫風高鴈已落雨霽水還
清葉盡桐門淨花秋菊岸明欲奏江南曲聊習
棹歌行**弱楫**王叔之云塗則駛車水惟用舟弱
楫輕棹利涉濟水緬彼漁人鼓枻清謳**鵠舞**梁
元帝云天際浮雲飛玉翼自相追池邊白鵠舞
林深青雀歸松潤流星影桂窓斜月暉思此無
情極高楼淚染衣**若鴈**杜甫云蕩蕩萬斛舡影
若揚白虹起檣必推牛掛席集衆功自非風動
天莫置大水中**若鴈**李白云小舟若鳬鴈大舟

若鯨鯢**越舩**皮日休云何事貺君偏得非只緣
同是越舩卽舩小舩也

車

轉蓬淮南子云聖人觀轉蓬而為車**坤**易云

坤為大輿**居人**釋名云車古者者車聲如車言

行所以居人也今曰車車舍也行者所以若居

舍也**奚仲**山海經云番禺生奚仲奚仲生吉光

是始以木為車又續漢書與服志云奚仲為車

正具物以時六材皆良**軒轅**古史考云黃帝作

車少皞時畧加牛禹時奚仲駕馬廣車之制度
又釋名云黃帝造車故號軒轅氏**取象**周禮云
軫之方也以象地也蓋之圓也以象天也輪輻
二十以象日月也**壹取**周禮云馬力既竭輻猶
能壹取焉注馬雖止輻尚能一前取道喻易進
也亦言輻之善也**生附**周禮云與人為車輪圓
者中規方者中矩立者中縣衝者中水直者如
生焉繼者如附焉注云治材也如生如木從地
生附如木之附枝也**工聚**周禮云一器而工聚

者車為多

輿制

賈誼云古之為路輿蓋圜以象

天二十八揅以象列星軫方以象地三十輻以象月故仰則觀天文俯則察地理焉和之響四時之運此輿教之道也

相繼

風俗通云車一兩

謂兩其言兩者箱裝及輪兩兩相耦故稱兩爾

三材

周禮云輪人為輪斬三材必以其時三材

既具巧者和之注三材所以為轂輻牙也

壯轂

易云壯于大輿之輹

又茵

詩云陰韉塗續文茵

暢轂駕我騏驎注陰揜軌也韉所以引也塗白

金續剝也暢長也

載脂

詩云載脂載𦍋還車言

適載鬼

易云見豕負塗載鬼一車

同

左思云

俞騎騁路指南司方出車檻檻被練鍔鍔又述
征記云尚方北門中有指南車車上有木仙人
持信旛車轉而人常指南又鬼谷子云肅慎氏
獻白雉於文王還恐迷路周公作指南車以送
之有詩云有棧之車行被周道綏禮云兵
車不式武車綏旌百詩云之子于歸百兩御
之車詩云元戎十乘以先啓行三命禮云九

命三命而賜車馬

乘輿

蔡邕獨斷云乘輿車皆

羽蓋金華又黃屋左翹金燄黃屋者蓋以黃為

裏也左翹者以旄牛尾為之大如斗在左駢馬

頭上金燄者馬冠也

游環

詩云游環脅驅陰勒

沃續劉熈釋名云游環在服馬背上衆馬之外

轡貫之游移前却無常處

副轡

蔡邕獨斷云乘

輿之車皆副轡者施轡於外乃復設轡者也

朱

蘭

司馬彪續漢書輿服志云小使車者蘭輿皆

朱赤轂白蓋赤帷從騎四十人皆追捕考案

有所勅取者之所乘也**步挽**此齊書云後魏大

臣老者多步挽車**輶傳**唐書云輶車古軍車也

一馬曰輶車二馬曰輶傳**輶軒**晉志書云輶軒

輕車也**樊纓**周禮云巾車掌王之五路一曰玉

路錫樊纓十有再就建太常以祀金路鈎樊纓

九就建大旗以賓同姓以封象路朱樊纓七就

建大赤以朝異姓以封革路龍勒條纓五就建

大白以即戎以封四衛木路前樊鵠纓建大麾

以田以封蕃國注王在馬曰路錫馬面當盧刻

金烏之樊讀如拏馬大帶地纓在膺鉤委領也
以賓謂會賓客象路朱以朱飾勒也龍勒龍駢
也以白黑雜色飾勒也條讀烏條以條綠飾纓
前讀烏翦淺黑也鵠纓鵠色飾纓與決疑錄
云腰輿以手挽之別有有輿白鸛道經云太真
丈人登白鸛之車飛輪真誥云東海君乘獨甌
飛輪車按行諸洞大鹿輜梁書云鹿輜輶三公
開府尚書令給之輶輶周禮云大馭王路以祭
及祖輶逐驅之注行之日輶祀者封土為山象

以菩芻棘柏為神主既祭之以車輶之而去喻
無險難也又晉書云舊說黃帝子累祖好遠遊
道死故祭以為道祖鳴鶴大戴禮云王升車則
聞和鸛之聲是以非僻之心無自入也四望東
宮舊事云皇太子初拜有畫輪四望車香衣晉
太康起居注云齊王歸藩詔賜香衣輦一乘畫
雲漢書云武帝作畫雲車畫經孝經拔神契云
王者德至山陵則山出木根車應載萬物虞舜
德盛於山陵故山車出山車者自然之物也山

藏之精與象車相似舜仁德盛山車垂綏
禮斗威儀云山車垂句山車者自然之車也句
者曲也不操治而自員曲故言垂句
蒲輪史記
云封禪為蒲輪車惡傷土石草木
彤車史記堯
彤車乘白馬
駕車記云有虞氏因彤車而制駕
車通典又駕車有虞氏
正論語云升車必正
立執綏車中不內顧不疾言不親指
護輪崔衍
云乘車必護輪治國必愛民
昭儉左傳云清廟
茅屋大路越席大羹不到棗食不鑿昭其儉也

輦 輦書云輦牽車牛遠服賈用孝養厥父母 **生**

耳 異語云仕宦不止車生耳 **六飛** 漢書云袁盎

曰陛下馳六飛 **寧輔** 詩云其車既載乃棄爾輔

後戒 漢書云前車覆後車戒 **皮軒** 漢官解故云

太僕廐府皮軒爲旗胡廣曰馬有廐車有府皮

軒以虎皮爲軒 **華蓋** 風俗通云黃帝戰蚩尤琢

鹿常有五色雲氣金枝玉葉止於帝上因作華

蓋 **曲蓋** 風俗通云武王伐紂大風折蓋遂爲曲

蓋 **殷輅** 論語云乘殷之輅 **聖** 史云武王下車

而訪箕子

三雲

真人王君內傳云神人乘三雲

之輦魏武帝與楊彪書曰今贈足下畫輪四望

通幃七香車二乘

折輪

漢書云中山靖王勝曰

積羽沉舟群輕折軸衆口鑠金積毀銷骨

斷輪

莊子云桓公讀書輪扁斲輪於堂下釋桓鑿謂

公曰公所讀者古人之糟粕也以臣之事觀之

斲輪徐則甘而不固疾則苦而不入不徐不疾

得之於手應之於心口不能言有數存於其間

而臣不能喻臣之子臣之子亦不能受之於臣

古之人與其不傳者死矣故曰糟粕**追鋒**傳子

云追鋒車施通幟遽則乘之**武剛**漢書云衛青

見匈奴以武剛車自還為營前**傾蓋**家語云孔

子之剡遭程子於塗傾蓋而語終日甚相親顧

載史記云周西伯遇太公於渭水之陽載與

俱歸**鑑**左傳云齊慶封獻車於季武子美

澤可以鑑形也展莊叔見之曰車甚澤人必瘁

宜其亡也**挾輶**左傳云子都與穎考叔爭車考

叔挾輶以走**汰輶**左傳云楚子與若敖戰伯棼

射王及鼓跗著於丁寧又射汰斬以貫笠轂師
惧退注此言前過車轅及王之盖兵車無盖尊
者則邊人執笠依轂而立以禦寒著名曰笠轂
交綏左傳云秦人晉人戰于河曲注不書敗績
交綏而退不大敗也**償濟**左傳云齊鄭盟於右
門尋廬之盟也鄭伯之車償于濟**賁輪**左傳云
晉伐齊戰于鞍張侯謂卻獻子曰自始戰而矢
貫餘手及肘餘折以禦左輪朱殷豈敢言病吾
子忍之**擊轂**晏子春秋云齊人好擊轂相犯以

為樂禁之不止晏子為新車良馬出與其人相
犯曰擊輓者不祥下車而去之國人乃不為

召

醫

莊子云秦王有疾召醫破癰潰座者得車一

乘舐痔者得車五乘所治愈多

引避

史云藺相

如拜上卿廉頗不肯為之下相如出望見廉頗
引車避匿**高相**史記云楚俗好卑車王以為不
便與馬欲下令使高之孫叔敖曰令數下民不
知所從不可王必欲高車臣請教閭里使高其
相乘車者皆君子君子不能數下車王許之君

半歲民悉自高其車

乘敝

說苑云趙簡子乘敝

車癰馬衣殺羊裘其宰曰車新則安馬肥則疾

衣狐豹之裘溫且輕簡子曰吾聞之君子服善

則益恭細人服善則益倨今我自備恐有細人

之心也

不觀

說苑云晉平公為馳逐之車桂之

以犀錯之以羽立於殿下群臣得觀焉田老三

過而不觀平公大怒老曰桀以奢亡紂以侈敗

是以不敢觀也平公曰善乃去車

徙轅

韓非子

云吳起為西河守秦有小亭欲攻之乃徙車轅

於北門外令曰有能徙於南門外者賜上宅民
莫徙也有徙者賜之如今又置一石亦令曰有
徙者賜之如初民爭徙之乃令曰明旦攻城有
先登者賜上宅上田民爭上一朝而拔之**不受**
說苑云晏子朝乘敝車駕騶馬景公遺之輅車
乘馬三反不受曰夫輅車乘馬君乘之上臣亦
乘之下民之無義侈其衣食而不顧其行何以
禁之卒不受也**虛左**史云魏公子乘虛左自迎
侯生**彈鋏**戰國策云馮驩客田文館彈鋏歌曰

長鈇歸來乎出無車文乃與之車**賜蓋**漢書云

黃霸字次公任楊州刺史宣帝下詔賜車蓋特

高一丈別駕主簿車緹油屏汜於軾前以章有

德**入**漢書云田千秋年老上憂之朝見得乘

小車入宮殿因號車丞相又唐書云房玄齡病

稍間詔許肩與入殿**車**漢書云張良爲韓報

仇得力士操鈇椎重百二十斤徂擊秦皇誤中

副車**車**漢書云陳平家乃負郭窮巷以席爲

門然門多長者車轍**車**漢書云項羽圍漢王

滎陽將軍紀信詐乘王車黃屋左纛曰食尽漢
王降楚汚茵漢書云丙吉為丞相馭吏嗜酒數
逋蕩嘗從吉出醉嘔丞相車茵上西曹主吏白
欲斥之吉曰以醉飽之失去士使此人復何所
容西曹第忍之不過汚丞相車茵爾乘席後漢
書云袁忠為沛相乘常車到官以清亮稱埋輪
後漢書云張綱字文紀與杜喬等八人受詔行
天下號曰八使七人皆奉命惟綱獨埋車輪於
洛陽都亭曰豺狼當道安問狐狸遂奏梁冀等

罪京師震悚

勞薪

漢書云荀邯當日此勞薪所

爨問之乃破車脚食知破車脚為柴

推鹿

東觀

漢記云杜林寄隗囂而終不屈節建武六年弟
成物故囂乃聽林持喪東歸既遣而悔令刺客
楊賢於隴底遮殺之賢見林身推鹿車載致第
喪乃歎曰當今之世誰能行義我雖小人何忍
殺義士因亡去

引羊

晉書云武帝掖庭並寵者

衆莫知所適乘羊車恣其所之宮人乃取竹葉

插戶藍汁灑地以引帝車

褰帷

世說云梁曹景

宗為領軍性躁出行常褰車帷左右諫之景宗
謂所親曰吾昔在鄉里騎快馬如龍拓弓弦作
磬聲箭如餓鷗叫平澤中逐麋數肋射之渴飲
其血飢食其味甜如甘露漿充耳後生風鼻頭
出火使人忘死今來揚州作責人路行開車慢
小人輒言不可閉坐車中如三日新婦於邑使
人氣尽**備箱**晉書云馬隆討氐依八陣圖作偏
箱車地廣為鹿角車營路狹則為木屋施於車
上且前弓矢所及應弦而倒**三望**沈約宋書云

沈慶之每朝賀常乘猪鼻無憾車左右從之不
過三五騎履行田園每農桑劇月無人從行過
者不知三公也及廢帝賜三望車謂人曰我每
遊履田園有人時與馬成三無人時則與馬成
二今乘此車安所之乎驅塵晉書云王導妻曹
氏妬導憚之乃密營別館以處衆妾曹氏知將
往馬導恐妾被辱遽令命駕猶遲之以所執塵
尾柄驅牛以進蔡謨聞之戲導曰朝廷欲加公
九錫導弗之竟但譙退而已謨曰不聞餘物唯

有短轅犢車長柄塵尾導大怒**朝載**魏書云鍾
繇有膝疾拜起不便時華歆亦以高年疾朝見
皆使載與虎賁與上殿就坐三公有疾遂為故
事**命焚**晉書云阮裕在剡曾有好車借無不給
有人筮母意欲借而不敢言後裕聞之乃歎曰
吾有車而使人不敢借何以車為命焚之**推輪**
文選序云推輪為太輅之始**信義**李尤云員蓋
象天方輿則地輪法陰陽動不相雜合之嫌噓
䟽達聞通兩輜郭邪尊卑是從輓軌之用信義

所同**徂兩**謝靈運云擾擾整衣裝肅肅戒徂兩
徂往也兩車也**梁輪**司馬相如云驚於鹽浦割
鮮染輪注切生肉換車輪鹽而食之換而玄切
機衡崔朝云虞夏作車取象機衡君子建左法
天之陽正位受綏車不內顧塵不出軌驚以節
步彼言不疾彼指不躬玄覽于道未思厥中

鼎

烹飪易云鼎象以木巽火烹飪也**羹器**說文云
鼎三足兩耳和五味之彝器也昔禹貢九牧之

金鑄鼎荆山之下以入山林川澤魍魎魍魎莫
能逢之**三才**世本云黃帝作寶鼎三天地人象
三才**金精**瑞應圖云寶鼎金銅之精知吉凶存
亡不爨自沸不炊自熟不汲自滿不舉自藏不
遷自行**取新**易云鼎取新也**亨人**周禮云亨人
掌供鼎鑊以供水火之濟**玉鉉**易云鼎玉鉉大
吉無不利**金鉉**易云鼎黃耳金鉉利貞**覆餗**易
云鼎折足覆公餗**闕名**爾雅云鼎絕大謂之鬴
圓揜上謂之鬴附耳外謂之鉞注云鼎耳在表

萬音茲鉞音翼

鼎

三禮鼎品圖云牛鼎受一

斛天子飾以黃金諸侯白金有鼻目以銅為之

三足

待火

楊子云九鼎待人而後實

不流

酉陽

雜俎云鑿金不沸者有物如豕居之去之無也

鑄刑

左傳云鄭人鑄刑書於鼎以為國之常法

也

烹雞

後漢書云函牛之鼎以烹雞多汁則淡

少汁則熬

遷雒

左傳云武王克商遷九鼎於雒

邑義士猶或非之

九龍

淮南子云閭閻伐楚五

戟入郢燒高府之粟破九龍之鼎鞭平王之墓

舍昭王之宮**得一**晉陽秋云咸康四年穀城縣

門外有光取得九鼎之一**五熟**鼎錄云漢景帝

鑄食鼎以金銀銅雜為之若瓶無足文曰五熟

又云鍾繇字元常魏文帝在東宮賜五熟鼎一

口又云漢景帝**甲父**左傳云徐子及郟人莒人

會齊侯盟于蒲隧賂以甲父之鼎**力**楊子云

烏獲任鄙力能扛鼎拊牛又漢書項羽力能扛

鼎**鍤金**詩云予以湘之維錡及金**漑**詩云誰

能烹魚漑之金**鬻**列子云黃帝得寶鼎冕

侯問於鬼史區鬼史區對曰黃帝得寶鼎神策
是歲己酉朔旦冬至得天之紀終而復始於是
黃帝迎日推策禮記史記云黃帝采首山銅鑄
鼎二成有龍垂胡髯迎黃帝上因名其處曰鼎
湖禮記史記云伊尹欲干湯乃為莘氏媵臣
負鼎俎以滋味說湯致於王道禮記說苑云湯
時大旱七年煎沙爛石於是使人以三足鼎祝
山川教之祝曰政不節耶使民疾耶苞苴行耶
諂夫昌耶宮室營耶女謁盛耶何不雨之極也

言未已天大雨

雉

書云高宗祭成湯有飛雉

升鼎耳而雉注耳不聰之異

災

史記云周末

九鼎沒於泗水彭城下始皇過彭城齋戒禱祠
使千萬人沒水求之不得

得

璜鼎錄云太公於

渭水得玉璜鑄一鼎刻其文曰璜鼎

楚問

左傳

云周定王使王孫滿勞楚子楚子楚問鼎之大
小輕重對曰昔夏之有德貢金九牧鑄鼎象物
使民知神夏桀有昏德鼎迁于商商載祀六百
商紂暴虐鼎迁于周成王定鼎于郊鄆卜世三

十卜年七百天所命也周德雖衰天命未改
之輕重未可問也**絕續**史記云秦武王與孟說
舉龍文鼎絕續而死**覆**史云齊湣王疾文摯
怒王愈之王命烹文摯三日夜不死文摯曰何
不覆鼎以絕陰陽之氣王使覆之乃死**覆**左
傳云魯侯賂荀偃以乘馬加璧束錦先吳輅壽
夢之鼎謂以馬璧為鼎之先也**奪金**史記云蔡
澤於趙遂入韓之魏遇奪金鬻於塗**懸金**史記
云韓子曰智伯圖晉陽城襄子決晉陽水灌之

城中懸金而炊

綱

鼎錄云蕭何為丞相鑄一

鼎大如三石甕自表已功其文曰紀功鼎

生

鼎錄云漢宣帝建章銅簾生毛以為災祥鑄一

金鼎埋之建章宮

非

周漢書云漢武得汾陰寶

鼎藏于甘泉群臣上壽賀得周鼎吾丘壽王曰

非周鼎上怒對曰天祚有德寶鼎自出此天以

與漢是漢鼎非周鼎也

漢

漢書云武帝時汾

陰巫錦為民祠魏睢后土營旁見地如鉤狀掬

視得鼎迎至甘泉從行上薦之至中山上有黃

雲蓋焉有鹿過上自射之因以祭之至長安公卿大夫皆議謂之寶鼎改元元鼎生燕漢書云范丹字史雲為萊蕪令清貧人歌曰釜中生魚范萊蕪刻經鼎錄云張陵得仙鑄十鼎刻丹經埋於雲臺山下燕後漢書云楊州賊率張嬰詣太守張綱降曰苟全性命如魚游於釜中又丘希範檄陳伯之云將軍魚游沸釜之中燕巢飛幕之上絕能鼎錄云魏武造一鼎於白鹿山高一丈記征伐戰陣之能破備鼎錄云吳陸遜

破劉備軍鑄一鼎其文曰破備鼎傳飯南史云

陳遺至孝母好食鑊底焦飯遺作邵主簿恒褒一囊貯歸後戰敗帶焦飯得活以為純孝之報

紀書

鼎錄云王羲之鑄書鼎自以真隸紀已書

即沉於九江

編經

鼎錄云梁武帝鑄金鼎寫老

子五千文蕭子雲書之沉於九江

常然

杜楊編

云唐貞元八年吳明國貢常燃鼎量容三斗光

潔類玉其色純紫每修飲食不熾火而自熟

神

器

唐書云姚璿時九鼎成武后欲以黃金塗之

璚奏鼎神器貴朴不得外飾臣觀其上先有五
采豈待塗金為符曜耶后乃止

新唐書

五代史云

蕭希甫誣奏帝曰與鄰人爭井井有寶貨有司

推劾井中破金而已

妙參

南唐近事云元宗嘗

欲真珠數升耿先生曰易事耳命以小參數升

以銀釜炒之食頃成珠

潛齋

楚辭云潛用鼎於

江淮

德配

後漢崔瑗云大禹鑄鼎象物百神饗

帝養賢命楊宗臣三距金鉉公德配焉鬻保寶

後人

大和

李尤云五鼎大和滋味荒具雖快其

口損之為務**雕螭**帝應物云雕螭刻篆相錯蟠
地中歲久青苔寒**氣含**杜甫云叔氣含公鼎**筆**
力韓愈云龍文百斛鼎筆力可獨扛**炊糲**柳宗
元云炊稻視爨鼎

牀

裝載釋名云牀裝也所以自裝載也**憩**詩云
或息偃在牀**天**天文集云紫宮門外有天牀
六星**牀名**楊雄方言云齊魯之間謂之簀陳楚
江淮之間或謂之策北燕朝鮮之間謂之樹自

閑而西秦晉之間謂之扛南楚之趙東齊海岱
之間謂之梓其上板衛之北郊趙魏之間謂之
牀廣雅云棲謂之牀浴牀謂之招服處通俗文
云牀三尺五曰榻板獨坐曰秤八尺曰牀釋名
云長狹而卑曰榻**載寢**詩云載寢之牀**調曆**易
云剥牀以膚切近灾也**栗**易云巽在牀下**象**
安說文云牀身之安也簣牀輶也**君處**商子云
人君處巨牀之上而天下理**玳瑁**西京雜記云
韓嫣以玳瑁為牀**麀狼**異物志云麀狼牀似鹿

而角觸前向入林則推角故恒在平淺草中逐
入林則得之皮可作履襪角正四據南人因以
作踞牀踞牀開元遺事云西域波斯開元天寶
間遣使者十輩獻碼碯牀碼碯馬明生別傳云
明生隨神女入空中卧金牀玉枕坐石鄺道元
水經注云南村人駱都小時到夷水石室邊採
蜜見一仙人坐石牀上無寶記云魯子寢疾病
童子曰華而睨大夫之簣與魯子曰然斯季孫
之賜也我未之能易起易簣象牙戰國策云孟

嘗君至楚獻象牙牙牀秘書論衡云孔子將死
遺秘書曰不知何男子自稱秦始皇上我堂踞
我牀顛倒我衣裳至沙丘而亡後始皇東巡至
魯觀孔子宅見之至沙丘崩**踞洗**漢書云酈食
其求見高帝方踞牀使兩女子洗**寢室**燕書云
公孫鳳隱於昌黎九城寢土牀**碎石**宋書云高
祖嘗患体熱有獻石牀乃碎之惡勞人也**案木**
高士傳云管寧字幼安自越海及歸常自坐一
木榻積五十餘年榻上當膝處皆穿**案石**列仙

傳云脩羊公上華陰山石室中有懸石榻其上
盡穿陷也**宋**晉書云桓伊善音樂畜一蔡邕
柯亭笛嘗自吹之王徽之泊舟青溪側不相識
伊於岸上過徽之便令人謂曰試為我奏伊時
貴顯素聞徽之名便下車踞胡牀而作三調弄
畢便上車去不交一言**齊**齊書云徐孝嗣初
在率府晝卧齋北壁下夢兩童子遽云移公牀
孝嗣驚起聞壁有声行數步壁崩**唐**唐書云
李吉甫初政事堂會食有巨牀相傳徙之輒罷

相不敢迂吉甫笑曰世俗禁忌何足疑耶撤而
新之撤唐書云杜甫嘗醉登武脉塍視曰嚴
挺之乃有此兒武亦暴猛中街之悞唐書云
孟浩然王維私邀入內署俄而玄宗至浩然匿
牀下維以寶對帝喜曰朕聞其人而未見也何
惧而匿詔浩然出撤唐書云李峴同平章事
故政事堂不接客目元載為相中人傳詔者引
升堂置榻待之峴至即款吏撤坐交隋書云
以識有胡故胡牀為交牀不五代史云馮道

軍中不設牀席卧一束芻而已**華榻**謝靈運云
連榻設華榻**玉榻**後梁宣帝云衡山白玉鏤漢
殿珊瑚支踞膝申久坐屢好為頻移**展書**杜子
美云風牀展書卷**文石**李太白云支牀錦石圓
帳

流蘇海錄碎事云流蘇乃盤線繪綉之裘五色
錯為之同心而下垂**覆斗**海錄云斗帳小帳也
形如覆斗**百子**詩話云唐人昏禮多用百子帳
其制本出戎虜苦穹廬之翻耳捲柳為圍以相

連鎖百張百闔故以百子名之**埋馬**禮云敝帷

不棄為埋馬也**緹帳**漢舊儀云祭天有緹帳帳

虎幄左傳云衛侯為虎幄於籍圃注籍田之圃

新甘造幄幕皆以虎獸為飾**青縑**漢書云尚書

郎主作文書起草更直於建禮門臺給青縑白

綾或以錦給帳茵褥**盛施**漢武故事云西王母

感上之誠暮必神降上乃盛施帷帳燒炷沫香

香聞數百里**玳瑁**又云上以玳瑁珠玉明月夜

光雜錯天下珍寶為甲帳其次為乙帳甲以居

神乙以自居**蕭**漢書云東方朔曰陛下誠能用臣朔之計請推甲乙之帳燔之通衢**連**益部者舊傳云翟輔上事云漢文帝連上書囊以爲帳惡聞執素之聲**賜帷**東觀漢記云桓榮常寢病太子朝夕遣中人問疾賜一帷帳奴婢曰如有不諱無憂家室也**絳紗**漢書馬融傳云融爲儒教弟子以千數常坐高堂施絳紗帳前授生徒後列女樂弟子以次相傳鮮有入其室者**傭債**漢書云文昌夏月多蚊貧無憐傭債爲作

幃

糊紙

晉書云羊續為廬江太守卧一幅布幃

穿敗糊紙補之

慙

梁史云柳慙甚畏其妻性

愛音樂女妓精麗略不敢視僕射張稷與慙狎

而為慙妻賞敬稷詣慙先相問夫人請奏樂其

妾隔幔坐妓然後出慙得留目

避處

漢書云公

孫弘燕見上上嘗不冠汲黯前奏事上不冠望

見黯避帳中使人可具奏

集

魏書云文帝集

上書囊以為帳

為

晉書云謝尚為江夏都督

始到官部人以生十四疋布為尚造帳尚壞之

使為軍士襦袴**受業**唐書云帝逞母宋氏傳父

業得周官義旨乃就宋家立講堂書生百餘人

隔絳紗幔受業焉**七寶**唐書云武后時嬖臣張

易之作七寶帳有魚龍鳶鳳之形**五帳**明皇雜

錄云帝友愛至厚殿中設五幄與諸王處號五

王帳**玳瑁**唐書云武后起望仙臺設玳瑁帳**金**

絲唐書云元載寵姬薛瑤英載為設金絲帳處

之**白紵**唐書云楊國忠當國引酷吏告溫拜京

畿閤內採訪使安祿山敕吏設白紵帳于傳以

俟命紫綃杜陽編云元載芸暉堂戶牖內設紫
綃帳得於南海溪洞之中蓋絞綃之類輕薄無
碍凝冬風不能入盛暑則涼自至其色隱隱忽
忽不知為帳也青練吳越備史云錢鏐武肅王
夫人嘗以王寢帳縻裂造青練帳將易之王曰
作法於儉猶恐為奢卒不用螭雲沈約云甲帳
垂和璧螭雲張桂宮隋珠既吐曜翠被復含風
鑒月阮籍云薄帷鑒明月碧綃虞世南云褰輕
綃之碧幔

枕

角 粲

詩云角枕粲兮

琥 珪

宋書云武帝時獻琥

珀枕命碎之為金瘡藥**芳** 松 劉向別錄云有芳

松枕

色 綾

酉陽雜俎云臺山有色綾木理如綾

紋人取為枕呼**色** 綾枕 **曲** 肱 孔子云飯蔬食飲

水曲肱而枕之樂亦在其中 **國** 寶 越絕書云越

王問范子曰寡人已聞陰陽之事穀之貴賤可

得聞乎曰陽主貴陰主賤當寒而溫穀暴貴當

溫而寒穀暴賤王曰善書常枕中以為國寶 **不**

傳禮云父母舅姑之枕几不傳**轉少**神仙傳云

漢武帝東巡見泰山老父鋤於道頭上白光高
數尺呼問之對曰有道士教臣作神枕枕有三
十二竅應二十四氣竅應八風臣行之轉少齒
生**質錢**卓行傳云陽城家貧常以木枕**質錢****夜**
明開元遺事云號國夫人有夜明枕置於堂中
紅光照室不假燈燭**鵲鳴**明皇雜錄云同昌公
主有鵲鳴枕其枕以七寶合成為鵲鳴枕**服妖**
唐五行志云帝后寐嘗為豹頭枕以辟邪白澤

枕以辟魅伏熊枕以宜男亦服妖也

符枕

開元

遺事云龜茲國進枕色若碼碯溫潤如玉製作

甚工枕之而寐則十洲三島盡在夢中帝因號

遊仙枕

不安

唐書云太宗嘗曰朕思天下事丙

夜不安枕

神雞

常新錄云史鳳宣城妓也待客

異者有神雞枕

如願

枕中記云開元中呂翁經

邯鄲有盧生同止於邸主人方炊黃梁翁取囊

中枕以授盧曰枕此當榮適如願生但記身適

枕穴中未幾登第出入將相五十年榮盛無比

其夕卒遂寤呂翁在旁黃梁尚未熟**居安**蔡邕
云應龍蟠蟄潛德保靈制象器物示有其形哲
人降鑒居安慮傾**寢眠**蘇彥云朝景西翳夕舒
映天順神靖鬼湏以寧眠寢貴無想氣和体平
禦心以道閑邪以誠**長生**梁元帝云泰山之藥
既使延齡長生之枕能令益壽黃金可化豈直
劉向之書陽燧含火方得葛洪之說

簞

布

釋名云簞者布之覃然平也

何

說文云

簟竹席也。**簟**，方言云宋魏間謂之筵或謂之
遽曲自閑之束謂之簟其粗者謂之遽條直文
而粗自閑而束周楚魏之間謂之倚佯自閑而
西謂之符簟。**安寢**詩云下筵上簟乃安斯寢。**篋**
席書云篋席黼純筍席玄純注篋桃竹席也白
黑之繒以純緣也筍弱竹也玄純黑緣也並天
子朝燕之簟。**謁**藏禮說云夫不在歛枕簟席謁
器而藏之。**畫簟**漢書云獻帝尚書令王允奏曰
太史令王立說孝經六隱事能消却姦邪常以

良日與立入為帝說孝經一章以丈二竹簟畫
九宮其上隨日時出入**歸藏**淮南子云席之上
先萑簟褥之上先玄酒先王貴之先本而後用
末也**象采**王隱晉書云車永為廣州刺史子溢
多使工作象牙細簟土人患之**賜簟**晉書云太
宰何曾遜位賜簟褥一具**花褥**開元遺事云學
士許慎放曠不拘小節多與親友結宴花園中
未嘗具幄設坐只使僮僕聚落花鋪坐下曰吾
自花褥**偏犀**五行志云武后時嬖臣張易之為

毋為犀簾金簾唐盧氏雜記云侯君集破高昌
所得金簾甚精御府所無金簾杜陽編云元載
寵姬薛瑤英載為處却塵褥其褥出於句驪國
一云是却塵之獸毛所為也其色殷鮮光軟無
比金簾謝玄暉云珍簾夏含霜金簾杜子美云
酒醒思卧簾金簾李太白云微霜淒淒簾色寒
無痕韓愈云滿眼凝滑無痕疵

簾

鄣蔽釋名云簾廉也自彰蔽為廉耻也帷帳廣

雅云幌幪簾也音毗擔

羅帷

風俗通云戶帷為

簾

簾 楊雄方言云宋魏陳楚江淮之間箔謂

之箔或謂之翹自閔而西謂之箔南楚謂之蓬

箔皆簾之別名

簾

西京雜記云漢諸陵寢皆

有簾皆為水文及龍鳳像晉東宮舊事云簾箔

皆以青布綠純

簾

孔卿子云蘆簾橐籥可以

養形

翠羽

洞冥記云漢武起招靈閣翠羽麟毫

為簾

白珠

漢武故事云上起神屋以白珠為簾

箔玳瑁押之象牙為箴

織

西京雜記云昭陽

殿織珠為簾風至則鳴珎珎布綠晉東宮舊事

云簾箔皆以青布綠金三秦記云明光宮以

金玉珠璣為簾箔錦莊子云河上有家貧緯

蕭蒿以為業織薄漢書云周勃以織薄曲為業

織薄南史云沈麟士居貧常為人作簾誤傷手

便流涕而還曰遺休毀傷感而悲耳故衣南史

云梁夏侯亶性儉率有妓妾十數並無被服每

有客常隔簾奏樂時謂簾為夏侯妓衣夜唐

史云夜明簾本雞林郡進張說所藏後書生請

去獻九宮主為說解難

金鑑

盧思道云鑑惟明

欵欵照檻色將晨可怜踈復密隱映當窓人浮

清帶遠霧含光動細塵落花時屢拂會待玉階

春

露衣南齊虞炎云青軒明月時紫殿秋風日

清露依簾垂哨絲當戶密褰開誰共臨掩晦獨

如失

摘月

唐太宗云參差垂玉牖舒卷映蘭宮

珠光搖素月竹影亂清風彩散銀鈎上文鋪桂

戶中唯當雜羅綺相與媚房櫳

效樂

杜甫云編

竹狀玲瓏庭闌盡處中不由經緯力安有卷舒

功春昼會妨燕寒宵豈隔風

帷

單帳韻畧云憐帷單帳也**障圍**釋名云帷圍也

以自幃圍也幕絡也在裏之稱也又說文云在

旁曰帷在上曰幕又三禮圖云小幕曰帟上下

四旁悉周曰幄**組綬**周禮云組綬所以繫帷**帷**

幕說文云在房曰帷在上曰幕又廣雅云帷幕

帳也**布間**儀禮云國君與卿圖事館人布幕於

寢門外**針綹**淮南子云先針後綹可以成帷**綹**

趨禮云帷薄之外不趨**理****趨**禮云敝帷不弃為

埋馬也**運****等**漢書云張良運等帷幄之中**禦風**

李陵云帝幘毳幕以禦風雨**青油**宋書云居青

油幕下**設****三**禮圖云小幕曰帟上下四旁悉

周曰幄又云四合象宮室曰幄坐上承塵曰帟

簾左傳云猶燕之巢於幕上**雲****幕**歸藏云女

媧筮張雲幕**䟽****縷**劉向說苑云晏子復景公曰

合升斗之微以滿倉廩合䟽縷之緯以成帷幕

絺**帷**典略云孔子及衛見夫人在絺帷中孔子

北面稽首夫人自帷中再拜有左傳云諸侯

救鄭鄭人將奔桐丘謀告曰楚幕有烏乃止問

黑拾遺記云漢武帝以珊瑚為牀紫錦為帷又

武帝好微行於池傍遊宮以漆為柱鋪玄緋之

幕噐服乘輿皆尚黑色示史記云漢孝文帝

所幸慎夫人帷帳不得文繡以示敦朴少拾

遺記云漢武帝李夫人死後常思夢命工人作

李夫人形或置於輕紗幕裏婉若生時帝大悅

東東觀漢記云衛青大克匈奴帝拜大將軍

於幕中因號幕府

漢書

董仲舒為博士

下帷講誦弟子轉以久次相授業成莫見其面

東觀漢記

云張奐使單于諸夷會反叛燒

度遼將軍門列屯烟火相望奐坐帷中與弟子

誦書軍士稍安

裴

賈琮傳云為薊州刺史舊

典傳車驂駕垂赤帷裳迎於州界及琮之部升

車言曰刺史當遠視廣聰何有垂帷裳以自掩

塞命御者褰之

裴

吳志云孫權趙夫人善畫

巧妙無雙權居昭陽宮倦暑乃展紫綃之帷夫

人曰此不足貴妾歆窮思慮能使下綃帷而清
風自入視外無有蔽碍列侍飄然自京若御風
行**綺羅**神仙傳云淮南八公詣淮南王安門皆
鬚眉皓素王歆少者八公皆成十五六童子門
吏以白安聞之不及履即出迎之以登思仙之
臺張綺羅之幕設象牙之席**褊褊**魏書云魏太
祖雅性節儉帷帳壞則補納**披帷**宋書云袁粲
每過傳昭戶歎曰經其戶寂若無人披其帷其
人斯在豈非名賢乎**秦記**云符永固以太

常常逞母宋傳其父業得周官義旨乃就來宋家听講書生百人隔紗幔而受書焉

几

案

說文云几案屬也

廢物

釋名云几廢也所

以廢物也廢閣也音軌

禮

云獻几杖者拂

之

變仍

周禮云春官司几筵吉事變几凶事仍

几

授紀

詩云授几有緝御

加綈

西京雜記云漢

制天子王几冬則加絺錦其上謂之絺几公侯

皆以木為几冬則以細罽為案

五几

周禮云太

宰大朝覲會同贊玉几又書云王洮頽水相被

冕服憑玉几又漢書云祭天用玉几

百寶

杜陽

編云同昌公主琢百寶為圓案

金几

漢武內傳

云帝受西王母五岳真形經廢以黃金之几

寶

几拾遺記云瀛州南有金臺之觀中有寶几覆

以雲紈之素

石几

南岳記云衡山石室有石牀

石几

訓誦

國語云左史倚相曰倚几有訓誦之

戒

按

左傳云諸侯之師久於倡陽荀偃士句

請於荀瑩曰水潦將降懼不能歸請班師智伯

怒投之以几

隱

戰國策云郭隗謂燕昭王隱

几據杖眄視相使則厠役之人至

策

史記云

燕丹太子常與荆軻等案而食

鴈

烈士傳云

魏公子無忌方食有鴈入案下怪之無忌使人

視殿下左右顧望見一鴈從屋上飛去

置

漢

書云平帝詔太師孔光曰大臣惟國之重書曰

毋遺耆老國之將興尊師而重傳其令太師省

坐置几

設

續漢書云大將軍何進辟鄭玄玄

不得已詣之進為設几杖待之甚優玄不受朝

服幅巾而見一宿逃去新史記云漢高祖過

趙王張敖持案進食禮甚恭高祖箕踞罵之案

案後漢書云梁鴻妻孟光每上食與鴻舉案齊

眉新漢表傳云曹公平荊州欲伐吳張昭等

皆勸迎之唯周瑜陳拒曹之計孫權乃斫前奏

案曰有言迎北軍者與此案同新神仙傳云

荀仙公學道女几山後得仙所憑不几化白鹿

三足時出山上狐文雲仙散錄云房壽六月召

客凭狐文几肉酉陽雜俎云黃鰐兒矮陋機

慧唐玄宗嘗憑之問外間事動有錫賚號肉几

書

世說云王羲之詣門生家見棐几滑淨因

書之真草相半其父誤刮去驚懊累日

鵠

語

林云任元褒為光祿勳孫憑翊往詣之見門吏
憑几孫入語任曰吏几對客為不禮任便搖之
吏荅云得罰体痛以橫木扶持非憑几也孫曰
植木橫施植其兩足便為憑几何必狐蟠鵠膝
曲木抱腰**畫**鄴中記云石虎所坐几悉漆雕
昼皆為五色花**賜**陳書云王冲為太子少傅

武帝以冲前代舊臣特申長幼之敬及即位益加尊大嘗從幸司空徐度宅晏筵之上賜之以

几

承 疲

謝朓云蟠木生附枝刻削豈無施取則

龍文鼎三趾獻光儀勿言素常潔白沙尚推移

曲躬奉微用聊承終日疲

成 禮

張華云倚几之

設設而不倚作器於此成禮於彼

新 曲

柳子厚

云右皇植物所素乎直聖主取焉以建家國亘為棟楹齊為閭闕外隅平端中室謹飭度焉以几維量之則君子馮之以輔其德末代淫巧不

師古式斯茲標木以振肘腋歌形詭伏曲程詐
力制類奇邪用絕繩臺**德皮**杖甬云拂拭烏皮
凡

類集卷第二十終